

STORACLES OF PROPHECY

Nuntaakna Gun

2 Kumpite 5:1-14

Ta-ang Thu . . .

A

Naaman pen ahng mahmah, ahau mahmah, aminthang mahmah Syria te galkap mangpa khat hi a, ahi zongin Laisiangtho sunga agen akihhuai mahmah mulkim huai mahmah natna ahi phaak natna veei khat ahi hi. Phaak natna veeite pen amau guak kituam om sak iin, a innkuanipte tawh zong omkhawm lo-in damtak a akisi nam natna khat ahi hi. Ama inn a nasem Hebrew numeino khat in a topa natna pen Isreal gama kmsang Elisha kiangah pai leh damna ngah thei ding hi ci-in gen hi.


Dam noph mahmah na leh, lametna tawh, Isreal gam

pai dingin Naaman hong kipankhia hi. Damna angah takpi leh apiak ding letsong honpi khat leh amah aci'ng ding galkap pawlkhat tawh hong paikhia hi. A kiniamkhat mahmah kmsangpa' inn mai al Naaman hong din laitak iin kmsangpa hong pusuak lo hi. A nasempa thupia-a, "adam noph leh Jordan gun ah pai henla sagih vei kipap leh anatna khempeuh dam siang ding hi ci-in gensak hi." 2 Kumpite 5:10.

Kamsangpa in kisil dinga asawl pen Naaman nin cihna ahi hi. Naaman adingin tua buantui bang lel gun sungah sagih vei kipap ding cih pen, thuneu bang hi het lo hi. Ahangin amah akilian sak mahmah, akiphasak mahmah Syrian te galkap mang khat ahi hi. Heh mahmah sa-in

asakol lehhei-in innlam zuan dingin hong ciah ta hi. Ahih hangin Damascus hong tunkuan uh ciangin Naaman pen Jordan gundung hong zui kik kha uh hi. Tua laitak iin anaseme in, Kamsangpa sawl bangin mang dingin zol uh hi. Tua ciangin sakol khawlsak iin hong tuaksuk a, agal vante suahkhia iin, amulkim huai mahmah aphaak natnate puan tawh liah iin hong paita hi. Jordan gun ah damtak iin hong ngapsuksuk hi. Hong kipap-a guk vei dong bang mah kilamdanna neilo hi, ahih hangin a sagih veina khitciangin aw lamdang hi! Aphaak natna teng khempeuh hong siangta hi. Avun khempeuh siangin naupangno cidam sitset bang hi.

Naaman thuakna leh damna angah mah bangin nang zong khalam cidamna leh suahthakna nangah theih ding hi!



AMAZING FACTS

Thu Sinna

Laisiangtho na sim khitciangin a awng munte behlap in.

1. Laisiangtho thak sungah tuiphum nading or kisiansuah nadingin Jordan gun azang kmsang kua hiam?

Matthew 3:1, 5, 6 Tua hun laitakin _____ hong pai-in, Judea gamsungah thuhilh hong kipan a, ... Jerusalem khua, Judea gamsung, leh Jordan Gun kiim gam panin mite hong pai uh hi. ... Johan in Jordan Gun sungah amauta a _____ hi.

Phawk Ding: Gospel ta-anghthe tuiphumna tawh kipanin tuiphumna mah tawh tawp hi. Hih thu pen a thupi mahmah Zeisu ii hong hilh ahi hi (Matthew 28:18, 19).

2. Phaak natna banga kihuai mawhnate "sawpsiangna" aa kizang limci'nna Laisiangtho in bang hi ci hiam?

Sawltaakte 22:16 Tho inla, Pasian kiangah thungen iin _____ inla, na mawhnate silsiangsak in, 'hong ci hi..

Phawk Ding: Laisiangtho gen tuiphumna in mi khat ii nunaakna sung pan mawhnate sawpsiangna leh suahthakna limciing ahihi.

3. Laisiangtho tungtawnin, saan theih ding tuiphumna nam bangzah om hiam?

Ephesians 4:5 Topa khat, _____ khat,
_____ khat,

Phawk Ding: Tuhun ciangin akibanglo tuiphum dan atawm pen nam 15 bang om hi, ahih hangin Laisiangtho in a maan khat bek om hi ci hi.

4. "Tuiphum" cih akhiatna in bang hiam?

Colossians 2:12 Note tui na kiphum uh ciangin Jesuh tawh _____ khawmin, misite' lak panin Khrih a thosak Pasian' vangliatna na up manun Khrih mah tawh tuiphumna panin a thokhawm leuleu na hi uh hi.

Phawk Ding: Greek laimal "baptizo" a khatna in "phum", "tui in tuum" cih na hi. Mi khat peuh tui in atup tektek masiah kituiphum hi nailo hi. Laisiangtho ah a zahtak huai tuiphumna a gen ciangin "baptizo" kizang den hi. Greek kammal a "theh" ahih kei leh "buak" cihte kizang ngeilo hi.

5. Ih etteh ding Zeisu hi. Amah kibangci tuiphum hiam?

Mark 1:9, 10 Jesuh hong pai a, Jordan Gun sungah Johan in amah a tuiphum hi. Tui _____ Jesuh a thawhkhat khit phetin vantung kihongin, ama tungah vakhu bangin Kha Siangtho a hong kumsuk a mu hi.

Phawk Ding: Phaaknatna panin Naaman a damna gun mah ah John in Zeisu tuiphum hi. Jordan gun "sungah" ci a (gunpangah hilo) Zeisu pen "tui sung pan" hong paikhia hi. Hih hang mah iin John in "Salim tawh kinai Ainon khua-ah tuiphum iin aom hi." John 3:23, bang hang hiam cih leh "tua santak ah tui tampi a om hi." Christante in Zeisu zui a Amah ih etteh ding hi (1 Peter 2:21), Amah in tui ii tup in kituiphum hi "diktanna dinga akisam khempeuh ih hih ding ahi hi" Matthew 3:15.

6. Ethiopia mangpa Philip in koici tuiphum hiam?

Sawltaakte 8:38, 39 Filip tawh a nih un tui sungah _____ Filip in amah a tuiphum hi. Tui _____ a paikhiat khit uh ciangin Topa' Kha Siangtho in Filip paikhiatpih hi. Mangpa in Filip mu nawnlo hi; ahi zongin lungdam takin a lampai a zom hi.

7. Tuiphumna in bang khatna dang nei lai hiam?

Romans 6:4 Pa' vangliatna tawh sihna panin Khrih a _____ kik mah bangin eite zong nuntakna thak i nuntak theihna dingin tui i kiphum ciangin amah tawh kiphum khawmin a sikhawm ihi hi.

Phawk Ding: Tuiphumna in Zeisu' sihna, kiuuina leh thawhkikna a limciing hi. Amasa iin mawhna ah si, tuateh amawh nunaakna lui tui sungah phum, tua khitciangin tui sung pan nunaakna thak tawh thokik cihna hi. Tui ii tup-a kituiphumna in tu-a limciinna teng taangtungsak hi. Amawh nunaakna si hi, tui kiphum ciangin tui kinungngat a huuh kidiik theilo iin hong kiphum a, ii thawhtoh ciangin huuh ih diik theih pat mah bangin nunaakna thak leh thawhkikna taktak limciinna ahi hi. Mi pawlkhatte in Sunday tanna pen thawhkikna pahtawina ci uh hi, ahizong Laisiangtho in Sunday tanna pen thawhkikna limciinna, pahtawina iin zat dingin hong gen ngelo hi.

8. Tuiphumna bangzah iin thupi hiam?

Mark 16:16 Thu um a, a kibaptazte in _____ a ngah ding uh hi. A um lote in mawhna thutan'na a thuak ding uh hi.

John 3:5 Mi khat peuh in tui leh Kha Siangtho tawh a _____ kei leh, Pasian' Gam sungah a tum thei kei ding hi.

Phawk Ding: Tuiphumna pen Laisiangtho in sep pelmawh dinga hong sawl khat ahi hi. Ahi zongin singlamteh tunga gutapa bangin apian theih hetloh hun ciangin Zeisu in tuiphum mah bangin hong simsak veve hi (Matthew 3:15).

9. Tuiphum ii manphatna bang tawh kitekkak thei ding hiam?

Galatians 3:27 Christ sunga kibaptise note khempeuh Christ a _____ na hi ta uh hi. (ZIV)

Phawk Ding: Tuiphumna pen kiteen na tawh kibang hi. "Nang hong bawipa pen na pasal hi, Ama min pen Topa hi ci in Laisiangtho sungah kigelh hi." Isaiah 54:5. Numeite in apasal min apuak mah bangin Christian te-in zong Zeisu min pua iin Christian kici uh hi. Anih un itna leh kipumpiakna tawphah tuak cih khatna nei hi. Kiton nadingin mopawi a kul mah bangin, Christian hih nadingin kituiphum ding kul hi.

10. Zeisu in van akahtoh madeuh iin A nungzuite kiangah bangthu na vaikhak hiam?

Matthew 28:19 Note vak kawikawi unla; mi khempeuh nungzuite na suahsak khit uh ciangin, Pa' min tawh, Tapa' min tawh, Kha Siangtho' min tawh na _____ ta un.

Phawk Ding: Peter in Pentecost ni aa athuhilhna ah Zeisu sawl bang amang hi, "Kisik kik unla Zeisu Khrist min tawh na kituiphum un." Sawltaakte 2:38.

11. Kituiphum ma-in bang teng kisam masa ci-in Laisiangtho in gen hiam?

- A. Zeisu thuhilhte tel ding (Matthew 28:19, 20).
- B. Zeisu hong hilh khempeuh um ding (Mark 16:16).
- C. Mawhna sate kisik ding (Sawltaakte 2:38).
- D. Lungsim khempeuh tawh um ding (Sawltaakte 8:37).
- E. Mawhna pan kileh kik nuam ding (Luke 3:7, 8; Romans 6:5, 6).
- F. Zeisu in keima Honpa hi ci-in sangin nuntaakna thak kipan ding (2 Corinthians 5:17; John 3:3, 5).

Phawk Ding: Naungekte in atunga thute theithehi nailo ahih manun, a theihtheih masiah uh tuiphum ding pen Laisiangtho tawh kituak lo cih kitel hi.

12. A maanol tuiphumna koipan hong kipan hiam?

Mark 7:8 Note in Pasian thukham na paai uh a, mite kiang pan na ngah uh _____ na zui uh hi.

Phawk Ding: Tui sunga kiphum tektek pen Laisiangtho hun pek pan singlamteh khit kumzalom tampi sung kizang sa hi a, ahizongin kimakaih khialhna hangin mite in alemtang thei, anuam zaw ding deihna tawh tui kiphum zia atuamtuam hong phuan uh hi. Tua manin Pasian' lunggulh tui sunga phum teektek ii khatna teng ma-angsak iin, tuiphumna in bangmah man neilo khat suaksak uh hi.

13. Pasian thumaan paaikhia a, mihingte hilhna apom zawte Laisiangtho in bangci gen hiam?

Matthew 15:9 _____ bawltawm thukhamte, Pasian' thukham zahin mite tungah hilh uh ahih manin kei hong biak hangun _____ na omlo hi.

Galatians 1:8 Ahi hangin kote ka hi uh zongin vantung pana vansawltak khat ahi zongin note kiang Kong gen uh ahi lo, lungdamna-thu dang hong hilh a om leh tawntung _____ hi ta hen! (ZIV)

14. Ahihhang Khasiangtho tawh tuiphumna hipeuh leh, tui sung tektek ah kituiphum kullo hilo hiam?

Sawltaakte 2:38 Tua ciangin Peter in amaute kiangah, "Na mawhna uh kisik un la, na mawhna uh hong kimaisak theihna dingin Zeisu Khrih min tawh _____ ciat un. Tua hi leh Pasian' piakkhong _____ na ngah ding uh hi.

Phawk Ding: Hilo hi! Peter in (Sawltaakte 10:44-48) sunga agen bangin thungaite tungah Khasiangtho hong kibusuk a, kituiphum nailote tungah zong hong tung hi. Amaute in Khasiangtho tuiphumna ngah khin napi un, Peter in tui sungah phum tektek ding mahin gen lai hi.

15. Kituiphum kik aom mah hiam?

Sawltaakte 19:2-5 Na up uh ciangin Khasiangtho na ngah uh hiam? ci-in a dong hi. Amaute in, "Ka ngah kei uh hi, Khasiangtho a om lam nangawn ka za ngei nai kei uh hi," ci-in a dawng uh hi. Tua ciangin Paul in, "Tua ahileh bang baptisena na ngah uh hiam?" a ci hi. Amaute in, "John baptisena" a ci uh hi. Paul in, "John baptisena pen kisikna hanga baptisena ahi hi. Amah in mipite kiangah ama nunga paipa a up dingun hilha, tua pen Jesu um ding cihna ahi hi," a ci hi. Amaute in hih thu a _____ uh ciangin Topa Jesu min sungah a _____ uh hi. (ZIV)

Phawk Ding: Khat vei Paul in Ephet khua ah thu ahilh laitakin tuiphumpa Johan in atui phumsa mi 12 te in Khasiangtho thu azak ngei nailoh lam atheih ciangin khuavak thak ahi Khasiangtho thu asaan manun a tuiphum kik hi. Tua bangmah iin mi khat peuh in Christian hihna pan apialkhait khitciangin Zeisu kiang kileh kik nadingin kituiphum kik ding kisam hi. Laisiangtho gen banga akituiphum lo khat pen kituiphum kik huai hi.

16. Kituiphumna in pawlpi mi suahna zong hipah hiam?

Sawltaakte 2:41 Mi tampi in ama thugen umin tui kiphum uh a, tua ni-in mihing tul thum bang _____ uh hi.

Sawltaakte 2:47 Pasian phatin, mi khempeuh in angvanna nuam a sa uh hi. Topa in nisimin amau _____ sungah a kihonkhia mi a kibehlapsak hi. (ZIV)

Colossians 3:15 _____ khat a suak dingin. (ZIV)

Colossians 1:18 Amah tua pumpi _____ lutang ahi hi; (ZIV)

1 Corinthians 12:13 pumpi _____ sungah i vekpi-in hong baptise a, eite i vekpi in i dawn ding Kha khat mah hong kipia hi. (ZIV)

Phawk Ding: Laisiangtho in teltakin hong gen hi. Pasian mite khempeuh pumkhat iin hong kisam-a tua in pawlpi ahi hi, eite in tuiphumna tawh ih lut hi. Naungek khat hong suah khitciangin kep ding, don ding, leh akhantoh nadingin innkuan sungah aom a kul mahbang ahi hi.

17. Kituiphum ding nial leng, kua thu nial ka hi diam?

Luke 7:30 Ahi zongin Farisi mite leh Thukham hilh siate in _____ nialin Johan khutsungah tui kiphum ding utlo uh hi.

18. Zeisu a kituiphum-in, A Pa in bang gen hiam?

Mark 1:9, 11 Tua laitakin Galilee gamsunga om Nazareth khua panin Jesuh hong pai a, Jordan Gun sungah Johan in amah a tuiphum hi. ... Vantung panin aw khat hong ging a, "Nang pen ka it mahmah ka Tapa na hi a, nang tungah ka _____ hi.

Phawk Ding: Pasian ta khat in mawhna pan kisik-a tui hong kiphum ciangin, nakpi takin Topa lungdam hi.

Nang Dawnna

Pasian in "Nang pen ka it mahmah ka Tapa [tanu] na hi a, nang tungah ka lungkim mahmah hi," hong cih theih nadingin tui kiphumna tawh Pasian kiangah ki-ap ding na lunggulh nai hiam?

DAWNNA: _____

Tuiphumna thu na theihbeh nop aom leh pastor pa tung ahizongin makai khat peuh kiangah na lunggulhna teng pulak in.

Hilhcianna

Hih anuai-a te in telbeh nadingin honghuh ding hi.

Kituiphum Danzia

Zeisu in mawhna nei a, sil khat kul ahih manin kituiphum hilo hi. Amah in mawhna neilo hi (1 Peter 2:22). Tua hang mahin tuiphumpa John kiangah Zeisu tui kiphum dingin Jordan gun ah hong pai ciangin John na lungbuai hi, "Nang in kei nong tuiphum dingin a kilawmzaw kmlai, kei' phum dingin nang hong pai zawsop na hi hiam?" Matthew 3:14.

Tua ahih leh bang hangin Zeisu tui kiphum hiam? A thupi thu thum om hi. Khatna ah, amau leh amau akituiphum theilote aita'ng iin hong kituiphum hi. Khat veivei thongsung ahizong, Hospital ahizong, amun amual in pia-lo-a Zeisu gupna asang om thei hi. Tua bang mite adingin Zeisu kituiphum hi. Singlamteh tunga si gutapa zong genteh ding khat hipah hi (Luke 23:43). Nihna ah Zeisu akituiphum pen nang leh kei etteh dinga A khekhab akihi ahi hi (1 Peter 2:21). Athumna ah Zeisu kituiphum-a ei zong ih kituiphum thei hi; Ama nuntaakna thu sinna tungtawn ahizongin, upna tungtawnin ahizongin bang lamen ding cihna ahi hi.

Ih lahkhiet theih dingin anuai-a Laisiangtho munte amalmal iin enleng ih kituiphumna hangin lamet ding bang teng om cih, Matthew 3:16 and 17 simleng: "Zeisu a kituiphum khit phetin tui sung panin a paikhia pah hi. Tua laitakin vantung hong kihong a, vakhu bangin Pasian' Kha Siangtho hong kumsukin ama tungah a khawl a mu hi. Tua sung mahin vantung panin aw khat hong ging a, "Hih pen ka it mahmah ka Tapa hi a, ama tungah ka lungkim mahmah hi."

"Vantungte kihong" = Pasian kiangpai theihna ih ngah hi.

"Aman mu" = Ih kha mitte hong kihong iin, theihtheihna thak leh muhtheihna hongpia hi.

"Pasian ii Khasiangtho" = Hong makaih hi cih ih thei ding hi.

"Vakhu bangin hong tuaksuk" = Ih lung sungah lungnopna hong lut

"Vantungan aa aw" = Hong hopihna aw nem, aw dam ih zata ding hi

"Ka it ka tapa" = Eite acitak Ama innkuan leh Ama gam mi ih suak hi.

"ka lungkim mahmah hi" = Pasian in hong sang tatakin mawhmaina hong pia ding hi.